

სამახსოვრო ამომრჩეველთა რეგისტრაციის კომისიის წევრისთვის

**განკუთვნილია იმ საარჩევნო უბნისთვის, სადაც კენჭისყრა
ელექტრონული საშუალებების გამოყენების გარეშე ტარდება**

წინამდებარე რესურსი მომზადებულია საქართველოს
ცენტრალური საარჩევნო კომისიის და სსიპ საარჩევნო სისტემების
განვითარების, რეფორმებისა და სწავლების ცენტრის მიერ.

სამახსოვრო ინსტრუქცია წარმოადგენს დამხმარე რესურსს
კომისიის წევრის მიერ ფუნქციის შესაბამისად ამომრჩევლისთვის
კვალიფიციური სერვისის განსახორციელებლად.



კენჭისყრის დაწყებამდე, კომისიის თავმჯდომარე ამომრჩეველთა რეგისტრატორის ფუნქციის შესასრულებლად გადმოგცემთ:

- ანბანის მიხედვით დანაწილებულ ამომრჩეველთა ერთიან სიას (სამაგიდე სია ფოტოსურათებით). ერთ-ერთ რეგისტრატორს აგრეთვე გადაეცემა ამომრჩეველთა სპეციალური სია (ასეთის არსებობის შემთხვევაში);
- საარჩევნო ბიულეტენის თითო ბლოკნოტს (უნდა შეამოწმოთ საარჩევნო ბიულეტენების რაოდენობის სიზუსტე და კომისიის თავმჯდომარესთან ერთად ხელმოწერით დაადასტურეთ ბლოკნოტის თავფურცელზე არსებულ მიღება-ჩაბარების აქტში);
- სპეციალურ სახაზავს;
- მარკირების სითხეს;
- საწერ კალამს (ამომრჩეველთა სიაში ამომრჩევლის მიერ ხელმოწერის დაფიქსირების მიზნით);
- რეგისტრატორის სპეციალურ ბეჭედს.

კენჭისყრის დაწყების შემდეგ, ამომრჩეველის რეგისტრაციის და საარჩევნო ბიულეტენის გაცემის პროცედურა განახორციელეთ შემდეგი თანმიმდევრობით:

- I. სთხოვეთ ამომრჩეველს წარმოგიდგინოთ პირადობის დამადასტურებელი დოკუმენტი.

ყურადღება! ამომრჩეველი კენჭისყრაში მონაწილეობს, თუ წარადგენს პირადობის დამადასტურებელ ერთ-ერთ დოკუმენტს:

- საქართველოს მოქალაქის პირადობის ელექტრონულ მოწმობას;
- საქართველოს მოქალაქის პირადობის არაელექტრონულ მოწმობას (რომელსაც არ აქვს ინფორმაციის ელექტრონული მატარებელი);
- საქართველოს მოქალაქის პასპორტს.

- II. შეამოწმეთ პირადობის დამადასტურებელი დოკუმენტის მოქმედების ვადა. საქართველოს მოქალაქის პირადობის არაელექტრონული მოწმობის წარდგენის შემთხვევაში შეამოწმეთ პირადობის დამადასტურებელი დოკუმენტის გაცემის თარიღი.

ყურადღება! თუ ამომრჩეველი წარადგენს ვადაგასულ პირადობის დამადასტურებელ დოკუმენტს, ან ძალადაკარგულ საქართველოს მოქალაქის პირადობის არაელექტრონულ მოწმობას (ძალადაკარგულია 2011 წლის 27 ივლისის ჩათვლით გაცემული არაელექტრონული მოწმობა), მას ეკრძალება კენჭისყრაში მონაწილეობა. ამომრჩეველს განუმარტეთ კენჭისყრაში მონაწილეობაზე უარის თქმის საფუძველი და მიუთითეთ, რომ კენჭისყრაში მონაწილეობის უფლება მიეცემა, თუ წარმოადგენს მოქმედ პირადობის დამადასტურებელ დოკუმენტს.

- III. შეადარეთ ამომრჩევლის პირადობის დამადასტურებელ დოკუმენტში არსებული სარეგისტრაციო მონაცემები ამომრჩეველთა სიაში არსებულ მონაცემებს.

ყურადღება! ამომრჩეველი კენჭისყრაში მონაწილეობს, თუ ამომრჩეველთა შესაბამის სიაში საქართველოს მოქალაქის პირად ნომერთან, სქესთან და ფოტოსურათთან ერთად, სრულად ემთხვევა ქვემოთ ჩამოთვლილ მონაცემთაგან 3 მაინც:

- სახელი;
- გვარი;
- დაბადების თარიღი (რიცხვი, თვე, წელი);
- მისამართი (საქართველოს მოქალაქის პირადობის მოწმობის ან სააგენტოს მონაცემთა ბაზის მიხედვით).

ყურადღება! თუ ამომრჩეველთა ერთიან ან სპეციალურ სიაში ამომრჩევლის შესახებ მონაცემები არ მოიძებნა, აცნობეთ კომისიის თავმჯდომარეს. კომისიას აქვს შესაძლებლობა, პლანშეტის გამოყენებით მოიძიოს ინფორმაცია იმ საარჩევნო უბნის შესახებ, რომელშიც ამომრჩეველია რეგისტრირებული.

- IV. შეამოწმეთ ამომრჩევლის პირადობის დამადასტურებელ დოკუმენტში და ამომრჩეველთა სიაში არსებული ფოტოსურათის და ამომრჩევლის სახის ერთმანეთთან შესაბამისობა.

ყურადღება! თუ ამომრჩევლის შესახებ მონაცემების შემოწმებისას დადასტურდა, რომ წარდგენილ დოკუმენტში შეტანილი ამომრჩევლის სარეგისტრაციო მონაცემები (გარდა ფოტოსურათისა) შეესაბამება ამომრჩეველთა სიაში არსებულ მონაცემებს, მაგრამ ამომრჩევლის სახეს და წარდგენილ პირადობის დამადასტურებელ დოკუმენტში არსებულ ფოტოსურათს ერთმანეთთან შეუსაბამოდ მიიჩნევთ, აღნიშნული შეუსაბამობის დადასტურების თაობაზე მიმართეთ კომისიის თავმჯდომარეს და დაელოდეთ მის მითითებებს. თუ კომისიის თავმჯდომარე შეუსაბამობას არ დაადასტურებს, უფლება გაქვთ, კენჭისყრის დღის ჩანაწერთა წიგნში მიუთითოთ თქვენი განსაკუთრებული აზრი, რასაც კომისიის მდივანთან ერთად ამოწმებთ ხელმოწერით. წარდგენილ პირადობის დამადასტურებელ დოკუმენტში არსებულ ფოტოსურათთან ამომრჩევლის სახის შეუსაბამოდ მიჩნევის მიუხედავად, ამომრჩეველი იღებს მონაწილეობას კენჭისყრაში.

- V. ამომრჩევლის მონაცემთა შესაბამისობის დადასტურების შემთხვევაში, ამომრჩეველს გაუკეთეთ მარკირება მარჯვენა ხელის ცერა ან საჩვენებელი თითის ფრჩხილზე, თუ აღნიშნული მოქმედების შესრულება შეუძლებელია - მარჯვენა ხელის სხვა თითებზე, ხოლო თუ ესეც შეუძლებელია, იმავე წესით მარცხენა ხელზე.



ყურადღება!

- ამომრჩეველს, რომელსაც არ აქვს ზედა კიდურები („ფიზიკური მდგომარეობა“), არ უტარდება მარკირების პროცედურა.
- მარკირების პროცედურის გავლაზე უარის შემთხვევაში, ამომრჩეველს არ აქვს კენჭისყრაში მონაწილეობის უფლება. ამომრჩეველს განუმარტეთ უარის თქმის მიზეზი და სთხოვეთ, დატოვოს კენჭისყრის შენობა.


VI. მარკირების პროცედურის განხორციელების შემდეგ, ხელი მოაწერეთ ამომრჩეველთა სიის სათანადო გრაფაში და მიუთითეთ ამომრჩეველს, სიაში ხელმოწერით დაადასტუროს საარჩევნო ბიულეტენის მიღება.

ყურადღება!

- იმ ამომრჩეველის გვარის გასწვრივ, რომელსაც არ აქვს ზედა კიდურები (ფიზიკური მდგომარეობა), ამომრჩეველის ხელმოწერის ადგილზე, გააკეთეთ ჩანაწერი „ფიზიკური მდგომარეობა“ და აღნიშნული დაადასტურეთ თქვენი ხელმოწერით.
- თუ კენჭისყრის პროცესში გამოვლინდა, რომ ამომრჩეველმა საარჩევნო სიაში ხელი მოაწერა სხვა ამომრჩეველის გვარის გასწვრივ არსებულ გრაფაში, ასეთ შემთხვევაში ამომრჩეველმა, რომლის გვარის გასწვრივ ფიქსირდება ხელმოწერა, ხელი უნდა მოაწეროს იმავე გრაფაში. აღნიშნულის თაობაზე უნდა დაწეროთ ახსნა-განმარტება (ამომრჩეველის ერთიან სიაში რიგითი ნომრის, სახელისა და გვარის მითითებით).

VII. საარჩევნო ბიულეტენის გაცემამდე, ხელი მოაწერეთ საარჩევნო ბიულეტენის წინა გვერდზე სათანადო გრაფაში და საარჩევნო ბიულეტენი დაამოწმეთ რეგისტრატორის სპეციალური ბეჭდით.

VIII. ამომრჩეველზე გაეცით საარჩევნო ბიულეტენი და განუმარტეთ შევსების წესი:



„ხმის მისაცემად საარჩევნო ბიულეტენში შემოხაზეთ თქვენთვის სასურველი მხოლოდ ერთი საარჩევნო სუბიექტის გასწვრივ მითითებული ჩიგითი ნომერი. შევსების შემდეგ საარჩევნო ბიულეტენი გადაკეცეთ ისე, რომ ახ ჩანდეს თქვენ მიერ გაკეთებული აჩრევანი. ფაჩუდი ხმის მიცემის კაბინიდან გამოსვლის შემდეგ, დაკეცილი საარჩევნო ბიულეტენი თავადვე მოათავსეთ სპეციალუხ კონვეიერში და ჩააგდეთ საარჩევნო ყუთში.“

IX. მიუთითეთ ამომრჩეველს გადაინაცვლოს ფარული ხმის მიცემის კაბინაში.

რა უნდა გაითვალისწინოს რეგისტრატორმა ფუნქციის შესრულებისას:

- თუ დაფიქსირდა, რომ კენჭისყრის შენობაში ხმის მისაცემად გამოცხადებული ამომრჩეველი შეყვანილია გადასატანი საარჩევნო ყუთის სიაში, ასეთ ამომრჩეველს აეკრძალება საარჩევნო უბანში კენჭისყრაში მონაწილეობა. ამომრჩეველს განუმარტეთ, რომ მოთხოვნის შესაბამისად, ამომრჩევლისთვის გათვალისწინებულია გადასატანი საარჩევნო ყუთით ხმის მიცემის სერვისი.
- თუ დაფიქსირდა, რომ კენჭისყრის შენობაში ხმის მისაცემად გამოცხადებული ამომრჩეველი შეყვანილია სხვა უბნისთვის განკუთვნილ სპეციალურ სიაში, ამომრჩეველს აეკრძალება საარჩევნო უბანში კენჭისყრაში მონაწილეობა. ამომრჩეველს განუმარტეთ, რომ კენჭისყრაში მონაწილეობის მისაღებად იგი უნდა მივიდეს შესაბამის საარჩევნო უბანში.
- შეზღუდული შესაძლებლობის მქონე ამომრჩეველთა არჩევნებში დამოუკიდებლად მონაწილეობის ხელშეწყობის მიზნით:
 - ✓ დაიცავით შშმ ამომრჩევლებთან საუბრისა და ქცევის ეტიკეტი.
 - ✓ მცირემხედველ ამომრჩეველს, მოთხოვნის შესაბამისად, გადაეცით გამაძიებელი ლინზა.
 - ✓ უსინათლო ამომრჩეველს გადაეცით სპეციალურ ჩარჩო-ფორმაში მოთავსებული საარჩევნო ბიულეტენი, იმგვარად, რომ საარჩევნო ბიულეტენის შესავსებ ჩარჩო-ფორმაში არსებული ყოველი წრიული ჭრილი ემთხვეოდეს ბიულეტენში არსებული საარჩევნო სუბიექტების წინ არსებულ რიგით ნომერს. განუმარტეთ ამომრჩეველს, რომ ფარული ხმის მიცემის კაბინაში საარჩევნო ბიულეტენის შესავსები ჩარჩო-ფორმის გამოყენებით საარჩევნო ბიულეტენის შევსების შემდეგ, ბიულეტენი უნდა ამოიღოს ჩარჩო-ფორმიდან, გადაეცეს და ძირითად საარჩევნო ყუთში ჩაშვების მიზნით მოათავსოს სპეციალურ კონვერტში.
- თუ კენჭისყრის შენობაში მყოფი პირების მხრიდან ვლინდება შემთხვევები, როგორიცაა: კომისიის წევრის საქმიანობაში ჩარევა; ამომრჩევლისთვის პირადობის დამადასტურებელი დოკუმენტის გამორთმევა/ჩვენების მოთხოვნა/ფოტოვიდეოგადაღება ან სხვაგვარი დამუშავება; კომისიისთვის განკუთვნილ ამომრჩეველთა სამაგიდე სიებში ამომრჩევლის მონაცემების ფოტოვიდეოგადაღება ან



სხვაგვარი დამუშავება - მოახდინეთ მყისიერი რეაგირება, მიუთითეთ დამრღვევს აღკვეთოს კანონსაწინააღმდეგო ქმედება და ფაქტთან დაკავშირებით აცნობეთ კომისიის თავმჯდომარეს.

კანჭისყრაში/არჩევნაში მონაწილე ამომრჩეველთა რაოდენობის (ამომრჩეველთა აქტივობა) დადგენის მიზნით, გაითვალისწინეთ შემდეგი:

- არჩევნებში მონაწილე ამომრჩეველთა რაოდენობის დადგენა ხდება 10:00, 12:00, 15:00, 17:00 საათზე. კენჭისყრაში/არჩევნებში მონაწილე ამომრჩეველთა საბოლოო რაოდენობის მონაცემები დგინდება კენჭისყრის პროცესის დასრულების შემდეგ (სრულდება 20:00 საათზე).
- ზემოაღნიშნული საათების მიხედვით არჩევნებში მონაწილე ამომრჩეველთა რაოდენობის დასადგენად, კომისიის თავმჯდომარის მითითებით, კენჭისყრის პროცესისთვის ხელის შეუშლელად, უნდა დათვალოთ ამომრჩეველთა ხელმოწერების რაოდენობა კომისიისთვის განკუთვნილ ამომრჩეველთა სამაგიდე სიებში. აღნიშნულ მონაცემს ემატება ამომრჩეველთა ხელმოწერების რაოდენობა გადასატანი საარჩევნო ყუთის სიაში (ასეთის არსებობისას).

ყურადღება! არჩევნებში მონაწილე ამომრჩეველთა დათვლილი რაოდენობის სისწორის კონტროლის მიზნით:

- ✓ კომისიის თავმჯდომარის მითითებით, ამომრჩეველთა სიებში ხელმოწერების რაოდენობის გარდა, უნდა გადათვალოთ თქვენ მიერ გაცემული საარჩევნო ბიულეტენების რაოდენობა (კომისიის თავმჯდომარისთვის გადაცემული გაფუჭებული საარჩევნო ბიულეტენების რაოდენობის ჩათვლით). გაცემული საარჩევნო ბიულეტენების რაოდენობის დასათვლელად, კომისიის თავმჯდომარისგან მიღებული საარჩევნო ბიულეტენების რაოდენობას გამოაკელით დარჩენილი საარჩევნო ბიულეტენების რაოდენობა.
- ✓ კომისიის თავმჯდომარე, თქვენგან მიღებული მონაცემების საფუძველზე, ამოწმებს არჩევნებში მონაწილე ამომრჩეველთა დათვლილი რაოდენობის სისწორეს: რეგისტრატორების მიერ გაცემული საარჩევნო ბიულეტენების ჯამურ რაოდენობას აკლებს გაფუჭებული საარჩევნო ბიულეტენების ჯამურ რაოდენობას. მიღებული შედეგი ტოლი უნდა იყოს ამომრჩეველთა ხელმოწერების ჯამური რაოდენობის.
- ✓ თუ მონაცემებს შორის სხვაობა გამოვლინდა, შესაბამისმა რეგისტრატორმა დაუყოვნებლივ უნდა დაწეროს ახსნა-განმარტება.

ჩანაწერებისთვის

This image shows a full page of white paper with horizontal dashed lines, typical of primary school handwriting practice paper. The lines are evenly spaced and run across the entire width of the page. There are no margins, text, or other markings present.

ჩანაწერებისთვის

This image shows a full page of white paper with horizontal dashed lines, typical of primary-ruled notebook paper. The lines are evenly spaced and run across the width of the page. There are no margins, text, or other markings on the paper.

